



INATSISARTUT

**Aningaasaqarnermut Nunamullu  
Namminermut Naalackersuisoq  
/MAANI**

Ulloq: 9. august 2013  
J.nr.: 01.31.06/13-00637

**Aningaasaqarnermut Akileraartarnermullu Ataatsimiititaliap pingasunngornermi  
ulloq 7. august 2013 aalajangiineranik Naalackersuisunut ilisimatitsineq (suliaq nr.  
01.31.06/13-00637)**

**TB-mut nakorsaatinut aningaasartuutitut matussutissanik aningaasaliissutit iluanni  
aningaasanik illikartitsineq**

Naalackersuisut inassutigaat,

Kontomi pingaarnermi 34.12.02-imi Nunatsinni peqqinnissakkut ilinniartitaanikkullu suliniutinut aningaasaliissutit 6.200.000 koruuninik appaavigneqarnissaat.

Kontomi pingaarnermi 34.11.03-imi, Dronning Ingridip Napparsimavissuanut tunngasumi aningaasaliissutit 2.077.000 koruuninik qaffaavigneqarnissaat.

Kontomi pingaarnermi 34.12.01-imi, Peqqissaaveqarfinni nakorsanit sullin-neqarnermut tunngasunut aningaasaliissutit 2.971.000 koruuninik qaffaavigneqarnissaat.

Kontomi pingaarnermi 34.12.05-imi, Nunatta Nakorsaataasivianut tunngasumi aningaasaliissutit 52.000 koruuninik qaffaavigneqarnissaat.

Kontomi pingaarnermi 34.14.01-mi, Nunatsinni Nakorsaaneqarfimmut tunngasumi aningaasaliissutit 1.100.000 koruuninik qaffaavigneqarnissaat

### **Aningaasaqarnermut Ataatsimiititaliap oqaaseqaatai**

Kontop pingaarnerup 34.12.02-p, Nunatsinni peqqinnissakkut ilinniartitaanikkullu suliniutinut tunngasup ataanit aningaasanik tuberkulosemik pitsaaliuineranut akiuineramullu atugassanik kontomut pingaarnermut 34.11.03-mut, Dronning Ingridip Napparsimavissuanut tunngasumut, kontomut pingaarnermut 34.12.01-imut, Peqqissaaveqarfinni nakorsanit sullin-neqarnermut tunngasumut, kontomut pingaarnermut 34.12.05-imut, Nunatta Nakorsaataasivianut tunngasumut kiisalu kontomut pingaarnermut 34.14.01-imut, Nunatsinni Nakorsaaneqarfimmut tunngasumut nuussinissaq Naalackersuisut qinnutigaa, taakkunani Naalackersuisut oqarnerat malillugu atorneqavittarmata. Aningaasat siusinnerusukkut ingerlaavartumik nuunneqartarput, tamatumalu siunissami pisannginnissaa Naalackersuisut kissaatigaat.

Tuberkulosemik nuna tamakkerlugu pitsaaliuineranut akiuiniarnermullu ajoqutaangippat tamanna naapertuilluarnerusinnaasoq ataatsimiititaliaq isumaqarpoq. Suliassa qarfimmi nuna tamakkerlugu ataqatigiissaartumillu suliniummik attassiinnaqqullugit Naalackersuisut Aningaasaqarnermut Ataatsimiititaliamit kaammattorneqarput.

Siunertamut kontomut 34.11-mut, Suliaritinnernut immikkut ittunut ilinniartitsinernullu tunngasumut, 34.12-imut, Najukkani peqqinnissaqarfinnut, nakorsanit sullinneqarnermut tunngasumut aammalu 34.13-imut Peqqinnissaqarfinnut, kigutigissaanermut tunngasumut aningaasanut inatsimmi oqaasertaliussaq aqputigalugu taakku akornanni aningaasaliissutinik nikisitsinissamut Naalakkersuisut piginnaatinneqarput. Taamaattorli qinnuteqaat tamanna aamma kontomut pingaarnermut 34.14.01-imut, Nunatsinni Nakorsaaneqarfimmut tunngasumut aamma attuumassuteqarpoq, taamaattumillu aningaasaliissutinik nuussinissat tamarmiusut Aningaasaqarnermut Ataatsimiititaliamut akuerisassanngorlugit qinnuteqaatit nassiunneqarsimassasut naatsorsuutigineqarpoq. Aningaasanut inatsimmi piginnaatitsissut pissutigalugu inassuteqaatit kontomut pingaarnermut 34.14.01-imut, Nunatsinni Nakorsaaneqarfimmut tunngasumut nikitsisinernut attuumassutillit kisiisa Aningaasaqarnermut Ataatsimiititaliap isummerfigai.


Kontomut pingaarnermut 34.12.03-mut, Dronning Ingridip Napparsimmavissuanut tunngasumut kiisalu 34.12.01-imut, Najukkani peqqinnissaqarfinnut, nakorsanit sullinneqarnermut tunngasumut missingersuutitut ilanngussanut allannguutissani suliassami kisitsisit allannguutaat nalunaarneqarsimannngillat.

#### **Aningaasaqarnermut Ataatsimiititaliap aalajangiinera**

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliap **akuerai**.

Kontomut pingaarnermut 34.12.03-mut, Dronning Ingridip Napparsimmavissuanut tunngasumut kiisalu kontomut pingaarnermut 34.12.01-imut, Najukkani peqqinnissaqarfinnut, nakorsanit sullinneqarnermut tunngasumut missingersuutitut ilanngussat iluarsisat ullut 21-t qaangiutsinnagit kalaallisut danskisullu ataatsimiititaliamut aammalu elektroniskiusumik nuutinnera uunga [sakkak@ina.gl](mailto:sakkak@ina.gl) nassiateqquneqarput.

#### **Ataatsimiititaliaq sinnerlugu**

  
Finn Karlsen  
Ataatsimiititaliap siulittaasua